

編年通載

二



原闕

丁未

五年

晉人患秦之用士會乃使魏壽餘偽以魏叛者以誘士會士會行繞朝贈之以策曰子無謂秦無人吾謀適不用也既濟魏人譟而還邾文公卜遷于繹史曰利於民不利於君邾子曰民苟利矣吉莫如之死之短長時也遂遷之君子曰知命

戊申

六年

楚莊公旅在位二十三年陳靈公平國在位十五年春王崩周公閱與王孫蘇爭政故不赴春秋不書子正王即位七月有星孛于北斗齊昭公夫人魯叔姬無寵生子舍無威桓公子商人驟施於國而多聚士夏昭公薨舍嗣立秋商人弑舍而代之

己酉

正字犯
正王班

元年

齊懿公商元年在位四年

六月辛丑朔日有食之

太祖廟諱

庚戌

二年

蔡文公申
元年 在位二十年

宋公子鮑禮於國人昭公無道冬國人奉鮑因襄夫人攻昭公殺之而立鮑

辛亥

三年

宋文公鮑
元年 在位二十二年

壬子

四年

齊懿公掘郕歆之父尸而刖之而使歆僕納閭職之妻而使職駮乘夏二人弑懿公齊人立公子元邾公魯文公元妃出姜生太子惡及視二妃恭嬴生倭恭嬴嬖私事襄仲十月仲殺惡及視而立宣公魯公室由是遂微

癸丑

五年

魯宣公後在位十八年齊惠公和在位十年秦共公和在位五年
元年

甲寅

六年

二月鄭公子歸生受命于楚伐宋宋華元樂呂禦之壬子戰于大棘宋師敗績獲華元樂呂晉靈公不君將殺趙盾盾出亡九月乙丑趙穿弑靈公宣子未出山而復春秋書曰趙盾弑其君以其亡不越境反不討賊宣子逆文公子黑臀于周而立之冬十月乙亥王崩子定王即位

乙卯

定王

瑜

元年

晉成公黑臀在位七年正月葬正王楚子伐陸渾之戎遂觀兵于周疆王使王孫滿勞楚子楚子問鼎之大小輕重滿曰在德不在鼎昔成王定鼎于郊鄒卜世三十卜年七百周德雖衰天命未改鼎之輕重未可問也

丙辰

二年

鄭靈公夷
元年鄭公子宋與公子歸生謀弑靈公歸生不可
反譖歸生歸生懼而從之六月乙酉弑其君夷宋實弑而春秋
書歸生以其仁而不武權不足也鄭人立其庶弟公子堅

丁巳

三年

鄭襄公
元年在位六年

今十月丁亥王山臨于鄭王頃公
王山臨于鄭王頃公
宋伯姬歸葬華元樂呂晉靈公不食祿葬於自出之太民
二月癸巳于歸生受命于葬葬中宋華元樂呂靈公之王于歸于大棘

戊午

四年

秦桓公
元年在位二十七年

夏王使大夫子服求后于齊冬召桓公逆王后于齊

己未

五年

士彘言與鄭其母

陳不下與鄭其母
晉相嫌其母不始彈曰鼓商所如事與鄭不易不始也夫
春焚于閭濮濮自以財辜羊以鼓焚于其三十里指之平六月

庚申

六年

七月甲子日有食之既

夏楚子伐舒蓼滅之盟吳越而還

辛酉

七年

之二千奇焚
刺靈公與其母鄭其父燬其夏月夏滅之千登情然而歸
晉書定十以節濟其公其公四月丙辰日食食之

壬戌

八年

晉景公儒在位十九年衛穆公憲在位十一年**元年**四月丙辰日有食之陳靈公與孔寧儀行父飲酒於夏氏夏姬之子登舒射而殺之二子奔楚秋王使王季子聘于魯

癸亥

九年

齊頃公無野在位十七年陳成公午在位三十年**元年**冬楚子為陳夏氏亂故伐陳殺登舒輟諸栗門因縣陳申叔時諫乃復封陳召靈公太子午于晉而立之

甲子

十年

春楚子圍鄭鄭伯肉袒牽羊以逆楚子退三十里許之平六月晉師救鄭士會不欲戰曰楚德刑政事典禮不易不可敵也先穀不可遂與楚子戰于邲晉師敗績荀林父歸而請死晉侯用士渥濁言使復其位

乙 丑

士年

秋先穀召赤狄伐晉及清冬晉侯討邲之敗與清之師殺先穀滅其族

丙 寅

士年

丁 卯

士年

曹宣公盧在位十七年**元年**夏晉荀林父帥師滅赤狄潞氏以潞子嬰兒歸晉侯賞士伯曰微子吾喪伯氏矣
王孫蘇與召氏毛氏爭政使王扎子殺召戴公毛伯衛王室亂

戊辰

十四年

春晉士會帥師滅赤狄甲氏及留吁鐸辰三月獻俘于王請王以黷冕命士會將中軍晉國之盜逃奔于秦夏成周宣榭火秋王孫蘇奔晉晉人復之冬晉侯使士會平王室

巳巳

十五年

六月癸卯日有食之晉侯使卻克召會于齊齊頃公帷婦人使觀之笑獻子怒出而誓曰所不此報無能涉河秋晉范武子請老使卻獻子為政

庚午

十六年

蔡景侯國在位四十九年元年魯公孫歸父以襄仲之立宣公也有寵欲去三相以張公室與公謀秋聘于晉欲以晉人去之冬宣公薨魯逐東門氏襄仲居東門歸父奔齊

辛未

十七年

魯成公黑肱在位十八年楚共王審在位三十九年元年春晉侯平戎于王劉康公微戎將遂伐之叔服曰背盟而欺大國此必敗不聽二月王師敗績于茅戎秋王人告敗于魯

壬申

十八年

夏晉郤克以諸侯之師伐齊六月癸酉戰于鞏齊師敗績齊侯與逢丑父易位以免使國佐受盟于晉且歸魯汶陽之田晉侯使鞏朔獻齊捷于周王弗受

癸酉

十九年

宋共公固在位十三年衛定公臧在位十二年元年十二月甲戌晉作六軍齊侯朝于晉將授玉郤克趨進曰此行也君為婦人之笑辱也寡君未之敢任

甲戌

二十年

乙亥

三年

鄭悼公費**元年**晉趙嬰盾之弟通于趙莊姬黶之春原屏放諸齊
梁山崩
十月己酉王崩春秋不書葬子簡王即位

丙子

簡王

夷

元年

上國

吳壽夢乘**元年**在位二十五年吳至壽夢十九世始大稱王通於
四月丁丑晉遷于新田

丁丑

二年

鄭成公元年悼公弟在位十四年楚子重子反殺巫臣之族巫臣遺二子書曰爾以讒慝貪怵多殺不辜余必使爾疲於奔命以死乃為晉通使於吳教之戰陳導之叛楚吳始伐楚伐巢伐徐入州來子反正歲亡奔命蠻夷屬於楚者吳盡取之

戊寅

三年

春晉侯使韓穿來言汶陽之田歸之于齊諸侯由是貳於晉晉趙莊姬為趙嬰之亡譖趙同趙括六月殺之武從姬氏武莊姬子畜于公宮韓厥言於晉侯曰成季之勲宣孟之忠而無後為善者懼乃立武而反其田秋王使召伯賜魯侯命

己卯

四年

秋鄭伯如晉晉人討其貳於楚也執諸銅鞮楚子重侵陳以救鄭冬鄭人用公孫申之謀出師圍許為將改立君者晉必歸君冬楚子重伐莒莒恃其陋不修城郭決辰之間楚克其三都無備也

庚辰

五年

齊靈公在位二十八年**元年**春鄭公子班聞叔申之謀三月立公子繻四月鄭人殺繻立駟頑晉侯有疾五月立太子州蒲以為君而會諸侯伐鄭鄭人賂晉求成辛巳鄭伯歸討立君者殺叔申晉侯夢大厲曰殺子孫不義六月丙午景公薨吳伐楚敗子反

辛巳

六年

晉厲公州蒲在位八年**元年**夏周公楚與伯與爭政不勝而出王使劉子復之盟于鄆而入三日復奔晉

壬午

七年

宋華元克合晉楚之成夏晉士燮會楚公子罷盟于宋西門之外曰凡晉楚無相加戎好惡同之

癸未

八年

夏晉侯及諸侯朝王遂從劉康公成肅公伐秦四月晉侯使呂相絕秦五月丁亥戰于麻隧秦師敗績曹宣公卒于師庶子負芻殺太子而自立子臧將亡國人皆將從之公懼告罪且請焉乃反而致其邑

甲申

九年

曹成公負芻在位二十三年元年春衛林父自晉歸于衛冬十月衛定公卒夫人姜氏見太子之不哀也不內酌飲歎曰天禍衛國吾不獲鮒行之母弟也也使主社稷大夫聞之無不從耳懼

乙酉

十年

秦景公在位四十年衛獻公在位十九年元年春晉會諸侯于戚討曹成公也執而歸于京師將立子臧子臧曰為君非吾節也遂逃奔宋十月晉士燮率諸侯大夫會吳于鍾離始通吳也